

Сурлагын хоцрогдлыг арилгах төлөвлөгөө
- Хөгжлийн бэрхшээлтэй хүүхдүүдийн сурлагын хоцрогдлыг арилгахын төлөө -

Бичил төсөл 3 (Зорилтот бүлэг: Тулгуур эрхтний бэрхшээлтэй хүүхэд)

1. Төслийн үндэслэл

Монгол Улс шинэ хэлбэрийн коронавирусын халдвараас хамгаалах зорилгоор, 2020 оны 1 дүгээр сарын сүүлээс эхлэн цэцэрлэг, сургуулийн танхимын сургалтын үйл ажиллагааг өнөөг хүртэл зогсоосон. Төсө болон цахим хичээлийг зайн сургалтын хэлбэрээр зохион байгуулж байгаа хэдий ч, хүүхдүүдийн суралцахуйд ноцтой хоцрогдол үүсэх болсон.

Ялангуяа, хөгжлийн бэрхшээлтэй хүүхдүүд онцлог хэрэгцээ шаардлагадаа нийцсэн боловсролын үйлчилгээг авахад хүндрэлтэй байгаа бөгөөд сурч боловсрох эрхээ хангалттай хэмжээнд эдлэх боломжгүй нөхцөл байдалд байна. Боловсролын хүрээлэн болон Японы Хүүхдийг ивээх сангаас зохион байгуулсан судалгаагаар, тэдний онцлог хэрэгцээ шаардлагад нийцсэн сурч боловсрох хэрэгцээ шаардлагатай зэрэгцэн, асран хамгаалагчид ч хүүхдийнхээ суралцахуйг дэмжих арга, аргачлалыг эрэлхийлэх болсон нь тодорхой болжээ.

Энэхүү нөхцөл байдлыг үндэс болгон, START төсөл нь хөгжлийн бэрхшээлтэй хүүхдийн суралцахуйд дэмжлэг үзүүлэх зорилгоор бичил төсөл хэрэгжүүлэхээр тогтсон болно.

2. Энэхүү бичил төслийн зорилтот бүлэг ба зорилго

Тулгуур эрхтний бэрхшээлтэй хүүхдүүдэд үзүүлэх коронавирусын халдварын нөлөө маш ноцтой. Сургууль хаагдсанаар гэртээ өнгөрүүлэх цаг нь нэмэгдсэн, сэргээн засах төвөөр үйлчлүүлэх боломжгүй болсон нь хүүхдүүдийн бие эрхтний үйл ажиллагаанд сөргөөр нөлөөлж байна. Тухайн хүүхэд сэргээн засах дэмжлэг үйлчилгээнд болон хичээл сургалтад хамрагдаж чадахгүй байх нөхцөл байдал үүсээд байна.

Тиймээс энэхүү бичил төслийн хүрээнд, тулгуур эрхтний бэрхшээлтэй хүүхдийг гэрийн орчинд байсан ч зохих дэмжлэг үйлчилгээ авах, боловсролын үйл ажиллагаанд оролцох боломжоор хангах зорилгоор асран хамгаалагчдад зориулсан гарын авлага боловсруулж, дагалдах дүрс бичлэг бэлтгэнэ.

3. Санхүүжилт, хугацаа, шалгаруулах төслийн тоо

START төслөөс бичил төслийг санхүүжүүлэх дүн болон хэрэгжүүлэх хугацаа, сонгон шалгаруулах төслийн тоог доор үзүүлэв.

- Санхүүжилтийн дээд хэмжээ (Төсөл тус бүр): 20,000,000 төгрөг хүртэл
- Хэрэгжүүлэх хугацаа: 2021 оны 10 дугаар сарын 1-нээс 2022 оны 5 дугаар сарын 31
- Сонгон шалгаруулах төслийн тоо: 1 төсөл

4. Зорилтот байгууллага

Тулгуур эрхтний бэрхшээлтэй хүүхдийн боловсролын талаар хангалттай мэдлэг, туршлага бүхий байгууллага. Хэд хэдэн байгууллага хамтран хүсэлт ирүүлэх боломжтой. Ийм тохиолдолд, төслийн хүсэлтэд бичил төслийг голлон хариуцах болон хамтран оролцох байгууллагын аль аль нь мэдээллээ оруулах шаардлагатай.

5. Эцсийн бүтээгдэхүүний үзүүлэлт

(1) Асран хамгаалагчдад зориулсан гарын авлага

Дараах 3 агуулгыг тусгана.

- Асаргааны аргаас (Тэргэнцэрт сууж буух, тэргэнцэр жолоодох, тогтвортой суух, хэвтэхэд туслах, хооллоход туслах, бие засахад туслах зэрэг) танилцуулах
- Булчин чангарлыг суллах иллэг хийх зэргээр бие эрхтэний үйл ажиллагааг сайжруулах аргыг танилцуулах
- Хүнд хэлбэрийн хавсарсан хөгжлийн бэрхшээлтэй хүүхэд ч тоглох боломжтой мэдрэхүйн тоглоомын янз бүрийн санааг танилцуулах
- Боловсруулсан гарын авлагыг харааны бэрхшээлтэй хүүхдэд хэсэгчлэн туршиж, үр дүнг тооцсон байх

Хүүхдүүд янз бүрийн нөхцөл байдалд байдаг учраас тухайн нөхцөл байдал бүрт тохирсон асаргаа болон иллэгийн аргуудыг танилцуулахад анхаарна.

(2) Дүрс бичлэг

Дээр дурдсан гарын авлага дотроос, үзүүлэн тайлбарлавал илүү үр дүнтэй зарим зүйлүүдийг дүрсжүүлнэ.

Энэхүү бичил төслийн хүрээнд боловсруулагдсан гарын авлагын зохиогчийн эрхийг ЖАЙКА болон БШУЯ эзэмшинэ. Хэрэгцээтэй хүн бүрд чөлөөтэй ашиглах боломжийг олгох үүднээс БШУЯ-ны холбогдох байгууллагуудад ч түгээхээр төлөвлөсөн.

6. Сонгон шалгаруулах нөхцөл

Сонгон шалгаруулах нөхцөлийг доор үзүүлэв.

- Энэхүү бичил төслийг хэрэгжүүлэхэд хувь нэмэр оруулахуйц хангалттай туршлага бий эсэх. (3 оноо)
- Санал болгосон эцсийн бүтээгдэхүүний танилцуулга нь энэхүү бичил төслийн зорилго болон дээрх 5.-д заасан үзүүлэлтэд нийцэж байгаа эсэх. (4 оноо)
- Эцсийн бүтээгдэхүүнийг заасан хугацаанд хүлээлгэж өгөх боломжтой, үйл ажиллагааны зохистой төлөвлөгөө боловсруулсан эсэх. (3 оноо)
- Зардлын төлөвлөгөөнд бодитой бус төлөвлөсөн зүйл бий эсэх. Хэрэв бодитой бус төлөвлөсөн зүйл илэрсэн тохиолдолд сонгогдохгүй болохыг анхаарна уу.

7. Хүсэлт гаргах арга, хүсэлт хүлээн авах хуваарь

Хүсэлт гаргагч нь хавсаргасан Excel файлыг татаж, дор дурдсан агуулга бүхий 4 маягтын дагуу мэдээллээ боловсруулж Excel болон PDF хэлбэрээр jicstart2@gmail.com хаягаар ирүүлнэ үү.

(1) Хүсэлт гаргагч байгууллагын танилцуулга

(2) Эцсийн бүтээгдэхүүний танилцуулга:

Асран хамгаалагчдад зориулсан гарын авлага боловсруулах санал

Дүрс бичлэг бэлтгэх санал

(3) Үйл ажиллагааны төлөвлөгөө

(4) Зардлын дэлгэрэнгүй

Үүнд дараах зардал хамаарна.

- Боловсон хүчний зардал (Явуулын болон туслах багш орон тоогоор ажиллах

тохиолдолд бүтэн цалин, харин төрийн албан хаагч ажиллах тохиолдолд зөвхөн илүү цагийн хөлс нэмэлт урамшуулал олгох боломжтой)

- Тээвэр, унааны зардал (Такси, хот хоорондын автобус, нисэх онгоц зэрэг зөвхөн зарлагын баримт авах боломжтой тээврийн хэрэгсэл ашигласан тохиолдолд)
- Сургалтын хэрэглэгдэхүүн бэлтгэх зардал (Материалын зардал, дүрс бичлэг зураг авалтын зардал, цаас, бичгийн хэрэгсэл, хэвлэлтийн зардал зэрэг)
- Сургалт зохион байгуулах зардал (Танхим түрээслэх зардал, сургагч багшийн хөлс, эх бичвэрийн хөлс)

Хүсэлт хүлээн авах хуваарийг доор үзүүлэв.

- Нээлттэй зарлах: 2021 оны 8 дугаар сарын 2 (Даваа)
- Цахимаар тайлбар хийх уулзалт: 2021 оны 8 дугаар сарын 5 (Пүрэв), 11:00-13:00
<https://us02web.zoom.us/j/84369089670?pwd=bkxWRHdZd0cxRTgrU2E3SDNBY2F4QT09>
ID: 843 6908 9670
Passcode: 076290
- Асуулт хүлээн авах эцсийн хугацаа: 2021 оны 8 дугаар сарын 6 (Баасан), 17:00 цаг хүртэл
Хариултыг, асуулт хүлээн авч дууссанаас хойш ажлын 3 хоногийн дотор START2 төслийн фейсбүүк хуудсанд нийтлэх болно.
- Материал хүлээн авах эцсийн хугацаа: 2021 оны 8 дугаар сарын 20 (Баасан), 17:00 цаг хүртэл
- Сонгон шалгаруулалтын үр дүнг зарлах: 2021 оны 9 дүгээр сарын 13 (Даваа)